


八



滿城縣志卷之十五

詩賦

詩之為教雖以陶馮性靈而實有裨風化昔太史列國風謠以獻之天府職此意也浦邑故多佳山水其間即景題詠者不無謝朓驚人語自是而忠孝抒思別離寄慨皆有得于情性之正即曩古風謠何以異乎爰加遴次庶玄圃積玉無非夜光因自忘固陋即續貂不辭焉附以梅花賦引者蓋每使廣平音響寂寂無聞亦以見古人風致若此爾

唐

書帶草堂藏記

梨嶺

歐陽詹

南北風烟即異方，連峯危榭倚蒼蒼。猿烟水偏高處，誰不沾衣望故鄉。

送人宰浦城

林寬

東南猶阻寇，梨嶺更誰登。作宰應無俸，歸船必有僧。灘平眠獺石，燒斷飲猿藤。歲盡校殊最，方當見異能。

宋

後苑賞花釣魚應制

咸平七年三月十七日

楊

億

邑人翰林學士

翰林

宜春小苑斗城傍，錫宴群仙奉紫皇。漢沼乳魚偏傍釣，青陵舞蝶自尋芳。波平黿背浮崑閣，日轉金莖艷赭黃。

滿酌流霞人盡醉，暖風宮蕊雜爐香。

奉和御製契丹出境將議迴鑾

戎輅巡河右，天威警鬼方。五營開細柳，三令凜飛霜。氛

侵消千里，聲名耀八荒。靈旗風助順，黃道日呈祥。偃革

邊關靜，迴鑾海縣康。欣陪從臣末，歸蹕奉高驤。

揚文公武夷其二其手錄

新集中載和御製七首應制八首今錄真稿庠士揚仕登家尚有藏本

登樓

危樓高百尺，手可摘星辰。不敢高聲語，恐驚天上人。

揚文正公億

生數歲不能言一日家人抱登樓偶觸其首遂即能語且吟此詩舊誌作文正公詩考李白

峯頂詩云

夜宿峯頂寺舉手捫星辰不敢高聲語恐驚天上人則與李詩同矣庠士張起潛出詩林廣記

浦城縣志 証之亦然

仁宗賜章卯國公

閨苑仙翁福壽遐孫登龍首帶宮花文章紫殿無雙客
富貴皇朝第一家三代姓名喧上國七閩聲譽冠中華
鳳凰池上標餘慶他日新堤又築沙

題資福寺

章 衡元邑人狀

吾家十五祖直容冠蓋蟬聯佛寺中力捍一方無血刃
慶流千載有陰功文昌耿耿星常現桂籍巍巍世不空
衡忝裔孫來展拜愧無動業繼高風

泗洲嶺

元 絳閩帥

萬里一朱旛崎嶇度嶺關踏盤雲雨際人在斗牛間髮
細煙迷樹波翻月照山高峯知更遠長日一躋攀

寄章季厚

軾出守湖州子厚嘗寄以詩因和韻二首

蘇 軾蜀人學士

方丈仙人出渺洋高情猶愛水雲鄉功名誰使連三捷
身世何緣得兩忘早歲歸休心共在他年相見話偏長
只應未報君恩重清夢時時到玉堂

絳闕雲臺總有名應瀆極貴又長生鼎中龍虎黃金賤
松下龜蛇綠骨輕雲水未渾纓可濯弁峰初見眼應明
兩巵春酒直堪羨獨占人間分外榮

和章岷從事園茶歌

范仲淹

浦城縣志

卷之五

三

年年春自東南來建溪先暖水微開溪邊竒茗冠天下
武夷仙人從古栽新雷昨夜發何處家家嬉笑穿雲去
露芽錯落一番榮綴玉含珠散嘉樹終朝采掇未盈擔
唯求精粹不敢貪研膏焙乳有雅製方中圭兮圓中蟾
北苑將期獻天子林下雄豪先鬪美鼎磨雲外首山銅
瓶携江上中濡水黃金碾畔綠塵飛碧玉甌中翠濤起
鬪茶味兮輕醍醐鬪茶香兮薄蘭芷其間品第胡能欺
十目視而十手指勝看登仙不可攀輸同降將無窮恥
吁嗟天產石上英論功不愧階前奠衆人之濁我可清
千日之醉我可醒屈原試與招魂魄劉伶却得聞雷聲

盧仝不敢歌陸羽須作經森然萬象中焉知無茶星因
山文人休茹芝首陽先生休采薇長安酒價減千萬城
都藥市無光輝不如仙山一啜好冷然便欲乘風飛君
莫羨花間女郎只鬪草齏得珠璣滿斗歸

章岷與范希文同賦鬪茶歌岷詩先就范曰此詩真可壓倒元白今岷詩不傳姑錄范詩

吳山聳翠

無名氏

天外危峰勢獨尊倚空積翠起雲根晚來雨過堪圖畫
秀列芙蓉手可捫

南浦綠波

南浦春流漲綠波溶溶漾漾浴鷗多只今尚想江淹賦

芳草凄迷送別何

越臺晚照

高臺餘址故城陰斜日暉暉
林登覽幾回惆悵處
蒼藤碧樹暮雲深

夢筆晴嵐

雨餘夢筆擁晴嵐猶似高人睡
正酣草木至今成五彩
頽教春意滿江南

鳳池雲影

亭亭新長碧梧枝想見當年鳳宿時
留得佳名寄清沼
半空雲影浸晴漪

天心月華

梵宇無塵境界空一輪明月正當中
碧天夜靜涼如洗
清賞應須與客同

仙林春色

丹成仙去已多年真跡靈壇尚儼然
千古林中春色滿
碧桃丹杏自芳妍

錦江石壁

古渡縈紆水一灣山花照映錦爛斑
考亭夫子曾遊此
綵筆留書石壁間

已上絕句乃邑中八景詠也
琅琊相錯因舊志並錄

仙石壇

王藻

仙人駕鶴上三清壇石空留萬古名
晴夜碧星斗爛不聞朝禮步虛聲天

元

祖孝子求母

趙孟頫翰林學士

擾攘兵戈際漂零母子分去留俱有恨
生死兩無聞淚盡江南月魂飛漢北雲
抱持相見處此樂復何云

又

程鉅夫學士承旨

二十八年南北限三千里外死生疑
一朝見母唐州地昨日官軍破賊時

又

袁桷

江漢雲歸淚盡時芒鞋無力鬢如絲
舍傍父老猶相識燈下深深話亂離

又

虞集翰林學士

海內昇平四十年民生同并死同阡
干戈昔日飄零者猶及餘齡見所天

又

鄧文原浙西道僉事

田家桑柳蔭柴扉誰道兵戈有亂離
佳舍尚存萱草地生兒不及木蘭時
鳳釵一折悲誰語鶴表重歸樂自知
想見鄉閭歡會處萊衣起舞對齊眉

又

揭奚斯

浦城孝子身姓祖自憐性命如糞土生纔五歲遭亂離
有母更被官軍虜零丁二十八春秋母縱得生何處求
天地茫茫明月恨江山漠漠白雲愁忽得母書驚母在
看書未盡淚先流書云流落河南縣河南踏遍無由見
唐州境上忽相逢白髮蕭蕭霜滿面誰知喜極情轉悲
旁人更問初別時千生萬死到今日始為母子東南歸
東南起迤閩山路入門猶記堦前樹居人傳說盡相看
鷄黍扶携竟朝暮祖生母子真可憐少壯別離老大還
同時鄉井被兵者幾人骨肉能生全願生母子長壽考

四海昇平永相保

徐彩鸞貞節

鄭 叟 福建省左丞

河可塞山可移志不可奪義不可虧妾生徐門女適為
李氏妻并堂拜姑舅入室盡姆儀嗷嗷鸞鳳和瞬息三
載期生女方七月乳哺嬌且癡青田賊塵起嘯聚南浦
涯逋逃遭擄掠能以禮自持兒夫中鎗血淋瀝阿爺被
執命如絲重嗟祖母年及稀苟無我父將疇依桂林之
水清漣漪妾代以死焉敢辭忠肝義膽昭白日皇天后
地實鑑之天高地厚不我知後來青史寧忍欺噫吁嘻
緹紫木蘭彼為誰赤龍白兔交騰飛萬古日月揚天輝

忠臣烈婦陳氣義綱常攸叙懷民彝噫吁嘻婦人貞烈
有如此男子當為天下奇

國朝

成祖文皇帝御製練氏全城

曾將厚意結人心豈料翻成報德深肯使一家同日死
全城寧與却黃金

又

積德由來報在天子孫榮顯自綿延一門福慶皆陰德
千古猶稱練氏賢

看松庵

陶安

太古有積翠怪虬託窟穴皮鱗老閱歲髯髮硬如戟書
擘層巖開夜攫明月食偃躍天可依忍冷冬不輒路絕
人罕到一士卧空壁每從晨啓扉終日對森碧相看久
無厭稚子笑成癖憶昔初看時萬松盡經歷涼陰窳窳
几深黛滴巖石無乃肉眼觀玩物猶滯迹邇來坐庵中
一松了無覲不在形色求能以神氣得堅朴藏太用後
凋兼天德幽懷與俱化此境遂真適好風忽相過清音
起冥寂

環中亭

葉葵

群山四迴抱規旋若環中坤維圍元化虛牝涵鴻濛冊

龍耀玄圃蒼崖列崇墉八窓濕空翠虛室春融融幽人
理瑤徽坐石彈松風棋聲落清晝金玉相撞春舉觴引
流霞延目送飛鴻游心無端倪循環亦何窮倚欄發長
咲白雲起前峯

烟雲萬頃亭

劉師召

孤高占高爽百里坐可望丘陵忽為谷地迥茫茫縹
緲亭中人如駕浮海航長風自東來烟歛雲飛揚二儀
復奠位水碧山蒼蒼由來造化意變態無其常

已上諸詩俱匡山境也距縣治三十里距龍泉縣一
百二十里龍泉縣水入誌中者以元季其邑人章益
隱居于此也今正之

浦城懷古

楊景衡永嘉人本首
參政

南浦春深漾綠波西山祠近入烟羅一時文物風流美
千古襟期感慨多芸葉吹香留汗簡棠陰飛翠滿晴坡
題詩不盡登臨興倚劍懷人柰遠何

次浦城懷古十首之一

潘賜邑人少
卿

楊柳絲絲蘸曲波芙蓉朵朵映芳羅竹籠香霧清陰合
麥捲和風翠浪多蛺蝶影翻連理木鷓鴣聲啄隔山坡
莫言朋舊無情好曾記扁舟夜泛何

留別蕭九疇

潘賜

十載同朝候早鷄承恩明日有暎遠一官奉佐藩垣遠

獨子推遷吏部歸冀北風高秋意早江南雲洞鴈聲稀
欲知別後相思處賸有豪吟對紫薇

夢筆山

黃伯雲

芙蓉幻出畫難成文藻由来屬俊英五綵曾遺當日夢
百年猶有故山名歲寒寥落松筠秀月夜悲涼猿鶴驚
惆悵江淹人去遠載瞻南浦暮雲橫

題林本初種德卷

曾

蔡

廬陵人
狀元

種樹成美材種玉生白璧二物豈不佳善種莫如德藐
馬方寸中仁義自萌蘖明善以灌溉養氣以培植稂莠
務孳鋤榛蕪勞墾闢顧茲播種勤歛穫誠有獲林君閩

首為於此恒致力端居屛紛華至理益探賸孜孜斲日
新乾乾思夕惕外物諒不干用舍惟所適昂君尚勉旃
此志毋暫息懷哉古咎繇卓彼先聖哲

送詹教授之任潮州

林

文

莆田人
探花

兩學為師教有方榮陞又見入潮陽閩關南望家何遠
廣海東行路更長時雨藻芹香泂春風桃李靄門墻
願言大闡文忠學丕變昌黎過化鄉

送張繡衣致政還鄉

丁

慈

建安人
監
察御史

十年林壑養沉疴整佩重來謁禁坡獬豸班中朋輩少
鳳凰池上聖恩多雲山忽入新秋夢駘馬還從舊路過

泛泛五湖風景好畫船明月聽漁歌

和前韻

尹

淳

蜀人本省
參議

層軒高棟結巖阿水滿溪橋竹滿坡地迥炎鼓侵戶少
雨晴山色入簾多學詩稚子趨庭立問字高人載酒過
身處林泉心在闕肯同商老詠芝歌

九石渡

徐

瓚

吳縣人本
縣知縣

傍溪行處有人家石磴崎嶇日易斜歸鳥投林依晚樹
行人喚渡立晴沙停鞭馬上吟秋色蕩漿舡頭看浪花
我有平生山水興一官猶得近烟霞

詠懷

張

鵬

邑人憲
副

乞養沉疴八載餘霜華日漸照髭鬚謾遊郭外無塵地
愛讀人間未見書解組四旬聊故轍知非五袞愧前儒
赤松可學非吾分野水閒雲任我癡

過陳遜故居

梅江詩有唐人
致茲錄其一

張

明

邑人參
政

一過先生宅悽然淚滿襟鐵心貧御史霜鬢老藩臣
兒童知問姓豺虎亦寒心九原如可作端擬拜楓宸

題徽宗白鷹圖

張

爵

邑人同
知

御墨淋漓遍海隅中原一敗嘆丘墟爭如畫却南來鴈
異日能傳五國書

重遊玄妙觀

張

爵

二十年前遊此地春花爛熳我垂髫今來歲晏僧頭白
獨喜寒松尚未彫

九日登粵臺

徐邦佐邑人推

佳節屆重陽把酒對籬菊時雨洗蒼梧天風響脩竹歸
鴻帶遠秋宿鳥鳴喬木振屐粵山臺共和淵明曲

訪吳景山武夷山中臨岐贈別

張元忭山陰人

名山舊說吳公洞逸客新居杜轄巖雲卧古松依野鶴
風搖曲水見飛帆金丹自悟幽三訣玉軸應除太一街
幾日相從又相別溪橋回首渺仙丸

臨別酬張陽和太史

吳中立邑人尚

十年期訪武夷君此日青尊坐白雲九曲波光增瀲灩
千峰紫氣覺氤氳却憐天上夔龍客不棄山中鹿豕群
別後相思何處好樞衡午夜動星文

鳧綠潭舟中即事

林 案邑庠生結

呼酒上漁舟江天賸一遊棹分千頃碧月浸萬山秋劇
飲驚鄰父狂歌起狎鷗醉同徐孺子歸卧水西頭
燕集山房限韻聯句

春晴隨步屨

徐伯

忽漫過西隣

季煥

興逐飛花外

真大

樽移流水濱

曾麟

天賒長日樂

張可

地剩百年春

徐輔

一嘆青山暮

季煥

狂歌起隱淪

徐伯

嘉靖間諸人結社皇華或列序或隱布衣翩翩有物外之致不得攷其全集聊錄其聯句之一

銅鉢山十洲稿

徐輔藍人結

山勢接諸天鍾聲謁老禪
逃空因有相出世豈無緣
萬事浮雲外三生古道邊
閒依點首石靜軟醒心泉
林蔓青絲棘池搖白羽蓮
登臺觀日出汲井駭龍眠
銅鉢今猶在紅爐久尚然
却憐迷路客塵海未歸船

春日遊粵王臺

徐民式邑人太僕寺卿

朝曦鬯清蘇駕言美延睇
威紆迤松杉窈窕窮薜荔
空臺峙律萃霸圖幾閱世
浩淼噴匹練葛藟紛掩翳
萬井散晴烟衆山豁朗霽
條風東南來駘蕩吹衣袂
拂騎葉

初齊入杯香仍細滄桑亦何期
俯仰總無際不盡古今心陶然成良懋

南山登壇

徐民式

曾是瞻依舍利年客來登眺破蒼烟
千家城郭春花裏幾處峰巒綠樹前
已見樓臺低下界似聞鈴鐸起中天
凌虛北望彤霄迥恍惚身依紅日邊

寶善篇

曾六德邑人給事中

王風忽云邈晉楚狎齊名簡相譁
鳴玉無端問白珩寧知楚有詞金玉
乃所輕賢臣能典訓于以為國禎信哉
得所寶四鄰播芳聲似茲稱霸者猶知
擇其精况復聖

作期可無藉群英彼美韜璫與乾坤實挺生韞匱不終
歲將無待聖明前席虛已久翩翩下干旌魚鱗集魏闕
取次簪華纓玉堂儲柱石薇垣任阿衡啓沃竟日夕庶
績奏平成末世忽至寶財貨徒營營浚膏未肯足瓊木
及大盈善類入中谷霄壬釀邪萌珍巧僅充篋運步亦
隨傾何如寶善力身與名俱榮昔賢悟斯旨重揭示章
程余懷雅有慕感慨寫微情

百丈山禱雨應期示喜

黎民範南城人邑明府

炎歊千里日流金圭壁裡宗托素心平楚壤泥封蟻穴
滿林風雨作龍吟頂崖瀑布從天下激石浪花拍岸深

處處耕耘歌帝力三農久矣望甘霖

夢筆山中

陳所傳莆田人

出詭厯罔巒逶迤窮林麓礪曲環流長樹老抱石獨江
今已千年文彩在山谷朝華日初暎烟霞紛滿目我來
訪遺蹤山房止一宿隱几松杉陰俯檻前峰矗天氣肅
清秋颼颼聲謾謾荒徑鳴蟪蛄古路走樵牧俯仰大夢
間榮枯亦何速迺睇立躊躇西風時動竹

登等覺寺

寺在夢筆山全陳立禮
吳日昌諸文學燕集

陳玄藻莆田人

雨後過山寺郊原積翠平橋頭通急水樹背見孤城禮
佛傳燈意懷賢夢筆情踈狂吾黨士染翰已知名

和前韻

所著有來爽齋集

李之蕃

字君衍工詩邑庠生

欲尋初地勝縱騎綠蕪平波急多因雨峰高半接城翻
經空世想携酒愜遊情飛蓋追隨日芳留彩筆名

又

徐庚

邑人舉

高上諸天界到來寶地平照山嵐抹翠依澗水環城彩
筆雲霞色臨風仰止情文章千古事此外即浮名

又

祝堯臣

字鄰卿畢嶺人庠生

稻穫秋原靜烟開綠野平千峰停過雨萬樹擁層城
鉢饒詩思翻經遠世情陪遊當此日彩筆共留名

吳山聳翠

徐民俊

邑人知

偶憑杖底狎幽蹤拄到蓮花最上峰山色晚添雙樹雨
泉聲晴落半崖松樓危遠接青冥迥磴折斜支碎靄重
回首風塵思結屋巔後溪鳥信從容

南浦綠波

吳鍾英

邑人舉

此地多年縮別愁支離雲樹共悠悠長橋柳色晴堪折
尊渚鴻冥黯自投搖拽輕風青雀舫靡蕪芳草白鷗洲
江郎千載情何限容易懷人雙鬢秋

鳳池雲影

林鍾斗

字祖韓莆田庠生

池開麗景覺氤氳翠蓋團時浴鳳群想愛一毛矜照水
遂令五色盡為雲波心幻出求鳳影天半光垂扶日文

憶自吹簫羸女去空留餘彩綴塵氛
錦工石壁

徐宗禹 颯人別

舟移潭影話前賢筆落崩崖不記年
照水芙蓉雲外倚
臨池蝌蚪鏡中懸翠屏長倩苔花繡
丹磴爭開錦障道
一曲高山知自好
搯來松雪向誰傳

夢筆晴嵐

周維鯤 邑人舉

訪古斜陽過客情浮嵐碎鎖半峰晴
千秋彩筆空文藻
一片青山紀姓名
隔塢厨烟村落色
迴風迳葉履基聲
乞靈卜得中宵夢
好綻餘花入管城

越臺晚照

吳懋諒

荒臺人去掩幽篁
樹靄村烟禩女墻
歌舞春風成往事
江山秋色舊斜陽
低空鴈影蕙雲遠
背日鴉群接翅忙
獨有漁家荻草岸
輕鷗柔艣自徜徉

天心月華

周文斗 邑舉生

紺殿峰迴兔魄移
中宵射彩傍天池
露珠灌桂花頻吐
霜鏡開奩錦屢披
影泛魚山涵舍利
光分迸水浸琉璃
貂裘破曉猶堪戀
寄語風幃莫漫吹

僊林春色

徐沛 邑下藍人舉生

瑤芝瑤草歲華新
橘叟松枰幾度春
鷄犬雲中非漢代
桃花水上老秦人
霞連群玉皆成綺
樹接十洲不惹塵

休向天台輕訴別僊源無路更尋真

吳山聳翠

陳玄藻

參差削出秀芙蓉
勢瞰長空別有峰
黛色平分青靄迥
烟光橫抹綠蘿重
雲歸半壁栖猿洞
風送輕濤巢鶴松
欲振羽衣凌絕頂
飛僊何地不相逢

南浦綠波

蔚藍天影漾滄波
十里溪光澹綠蘿
近岸斜通沽酒市
中流時聽扣舷歌
班荆縱有前期在
折柳其如遠別何
睡首王孫芳草路
郵亭今古閱人多

鳳池雲影

在豐宮後

鳳采威蕤一鑑泓
粼粼風動水雲輕
滄波蕩漾澄寒碧
藻荇參差弄晚晴
舍利莫矜金布地
昆明不數石為鯨
此中聖澤深無限
好賦甘泉入漢京

錦工石壁

墨蹟淋漓宋代餘
摩崖猶認攷亭書
激潭怪石清相映
碧蘚蒼苔錦不如
半嶺長歌樵客逕
前溪脩竹野人居
晚來萬籟聲俱寂
却愛松窓月色虛

夢筆晴嵐

翠兀岡巒一逕荒
嵐烟擁岫曉蒼蒼
踈松脩竹環僧舍
碧水丹山繞女牆
巫峽神遊空暮雨
邗郵夢破只黃梁

千穠彩筆名猶在欲取餘花入錦囊

越臺晚照

無諸形勝啟東偏樹杪浮光落日懸亂後河山經百戰
臺前城郭已千年水春夾岸喧漁唱野店依林起爨烟
悵望英雄心未冷匣中孤劍倚長天

天心月華

玉毫光放滿禪宮兔魄凝輝處處同寶鏡流霞聯象緯
金波裊露冷梧桐樓臺十二清虛裏世界三千縹緲中
佛供香飄人語寂乘槎此夜欲浮空

僊林春色

一春幽事小橋西綴錦枝頭樹樹齊平野霏微香霧合
遙天縹渺彩雲低洞門瑤草知何在石室金壺望不迷
別有花源藏小艇風光殊勝武陵溪

吳山聳翠

徐庚舉人善詩
文工書篆

崔巍絕壁挿天來片片芙蓉列嶂開捫磴攀蘿霄欲近
凌風最上碧香臺

南浦綠波

萬頃玻璃綠綺連長虹臥影水光懸分明中有蛟龍窟
時漱清芬噴碧天

鳳池雲影

丹穴陸離世已稀
何年照水九苞輝
翩然五色天中起
嗷啞青霄傍日飛

錦工石罅

千尺懸崖碧水澌
漣漣波盪頂綠鋪
茵乘龍晚渡山如繡
指點松陰護墨痕

夢筆晴嵐

西山疊翠競飛浮
夢筆當年秀欲流
鶯鶯曙光清不散
青空一抹望中收

越臺晚照

千古荒臺未鑿年
上游壁立近諸天
萬家烟樹低如畫

落日猶懸野渡前

天心月華

碧空雲影淨
禪臺殿閣虛
無皓魄開天地
一壺渾似水
廣寒高處絕塵埃

僊林春色

丹崖翠壁迥嶙峋
洞口芳菲幾度春
滿目雲霞收不盡
迎風因憶武陵人

吳山簞翠

八景雜詠所著
有問奇齋稿

徐廣 字居之邑庠生工詩

崔嵬凌漢出
鬱翠自經年
出沒三垣氣
低昂九頂天
晴
光堪取媚
霽色倍
妍飛寫應
無自精
藍有老禪

南浦綠波

浦水澄且鮮溶瀉波如線掠風新綠紛耀日金光眩上
受蟬竦橫下隱魚龍戰

鳳池雲影

止水長天碧微波匣鏡明五雲徵勝地倒影鳳苞生

錦工石壁

片石儼於壁魏臨潭水幽四時苞卉常不絕惟有猿鶴
同遨遊怪哉造物真工手綺繡妝來無不有此間袍笏
雁湏拜相對堪呼為石友昔人愛此亦婆娑墨蹟今來
隱薛蘿願借丹梯一攀跼臨風拍掌發浩歌

夢筆晴嵐

龍從多勢羨奇地立。青冥三萬里鬱勃當年翠欲流
曉來幽氣氤氳起極望腰龐真似染凝暉半惹朝霞紫
帝座咫尺能呼吸山靈詩酒應驅使自是夢中瑤管得
春葩僊萼差參似江淹一去名猶重千古誰能不仰止
久傑因憶地猶靈幾見祥光生寸晷

越臺晚照

荒臺高迥翠微間閃爍斜陽彩色殘丹穴應從天半擬
緝園還自霽中看參差烟火金城繞曲折溪流綠樹盤
極目舊時冠蓋地莫雲何處擁鳴鸞

天心月華

佛地黃金布清光玉兔輝幽閒經鼓靜皎潔法雲歸衆
籟俱投寂層山獨獻魏垂幡飄影亂護鐸弄聲希虛白
生池鏡空青落樹圍色分瓔珞相香引鉢檀馱景對水
壺徹時當玉露霏欲尋無上界即此是禪機

僊林春色

長林似繞五雲爛景物芳菲一望環自是東皇能點綴
天台今已屬人間

和陳汝鑑老師遊等覺寺韻

徐廣

靈野耽遊屐携樽草陌平烟收林出寺雨散樹低城

賦風流興絃歌窈窕情山靈標勝迹借取醉揖芳名

宿天心寺

真文望

字道登

一榻樓雲下孤燈帶月懸西來惟半偈象外見諸天
食臺留鳥裁詩社有蓮浮生今已悟掃却世中緣

遊禪寂寺

張喬松

字良慎

春郊結客覓靈筌入暮猶攀兜率天陌上殘碑留赤福
池間激水湧青蓮支笳夜歷千山日月秉燭寒分萬壑烟
我欲誅茅開白社祇園從此學逃禪

題新興教寺

集野鳥稿

黃廷俸

字時祿

象教東流直至今幾多名勝占叢林萬山堆疊烟霞古

一逕紆迴花木深塔下苔封僧父之心雲間犬警客初臨
懸知世路行難盡擬對禪燈印此心

僊林懷古

徐麟藻 字蔚聖邑

誰狎飛僊去不還空林猶自掩柴門
千家樹色浮蒼堞萬壑烟光鎖碧灣
鳥宿雲房春寂寂鶴歸華表水潺潺
何當借爾凌風翼瑤草瓊花手自拈

同王息父諸同調遊勝果寺

徐萬里 馬塘山人

松杉樹樹亂泉聲載酒招提草色平
萬井輕烟歲盡棟一溪流水遶春城
雨晴空谷花猶潤風定疎簷鐸自鳴
把臂入林俱不忝年來丘壑總閑情

南浦橋即事

吳懋諒 字君實邑

萬頃滄波澹遠天長橋虹影鏡中懸
霏微樹色來山外縹緲霞光落檻前
昔別驪駒曾此地舊遊風景已經年
懷人不盡停雲思春草離離起暮烟

盧峰寺訪僧

吳克伸 字汝謙邑

剩有逃禪意來訪波旬語雲深曉望迷
只聽鍾聲去

遊等覺寺

梅禮 字見復邑

秋杪投荒剎遙尋薜荔行禪林無犬吠
客駕有雲迎染翰花飄席攤經月到庭
悠悠澄寂意從此學無生

住持東山寺
僧真源 自號碧泉

疎鍾隱隱下高臺
曉漏沉沉聽欲催
滿樹雲花應不碍
暫時風力又相回
從知聞性無生滅
祇有聲塵自去來
萬古惺惺傳一語
幾人猶向夢中猜

又

歷徧乾坤沒處尋
偶然得住此山林
茅菴高極雲霄碧
藪徑斜過竹樹深
人為利名驚寵辱
我因禪寂老充陰
蒼松怪石無人識
猶更將心去覓心

梅花詩賦

潘

賜邑人鴻盧寺左少卿

梅花自廣平一賦迨無餘蘊
至宋林逋十四字議者謂
無以加或恐為未必然
迄元馮海粟分為百詠
趙文敏

公二見擊節歎賞至經夕不寐
又或謂比之唐體欠純
則梅花其亦有可輕賦者歟

混沌既判清濁始殊
有植之物爰立其株
玉為體骨冰為肌膚
清香潛襲瘦影相扶
散之無極歛之有餘
我之為詩筆之為書
唐有廣平宋有林逋
公及後代有馮之儒
口吻雌黃分別紫朱
囊盛百詠品別異途
曰古之耕曰早之初
曰庭之芳曰官之腴
江邊載榮溪畔將舒
嶺頭高潔野外幽居
憶之如見夢之如虛
曳杖尋幽問訊遠趨
未開先探索而取諸
恣閱而觀極賞而愉
心司友契寄若情孚
評量可否歌詠美都
別則難舍情則嗟吁

折贈隴客剪戲羅襦浴呈濕粉浸澈香料簪媚冠冕粧
妍額顙蟠枝屈曲折節清羶補無遺缺苔藉霜鋪類杏
凝腮溶臘如塗竹邊瀟洒雪後模糊月同綽約風假吹
噓暗淡凝烟惇獨如孤誰斲而移孰芟而踈老堅其操
新慎其模矮樹易攀遠芳難圖落英粉若瘦影淡如宮
牆側映簷楹低紆寒若韜水咀若凝酥盆遺宿土紅筵
曳裾粉香新飾青子乍俱黃隨雨熟煮必鹽需觀其千
葉攢辨二月未徂鴛鴦成偶胭脂染軀清江蕩漾綠萼
舒徐初歌東閣後滿西湖羅浮夢協孤山與苻漢宮之
粧解字之譽書窓之伴琴屋之徒莫不乘風吐氣扼腕

鬚鬚若乃釣磯映水棋野凌虛瑩然樵逕淨閒僧問道
院僊客柳營武夫茅茨曝背老圃種蔬無不珍惜培植
耨鋤或山中擔上或杖頭圍闔或湘筠鸞鏡或簾幙流
蘇咽前村之玉笛掣巨浸之珊瑚或含芳而乍吐或半
鬱而將攄暖香燠於綿帳清瑩澈於冰壺每心領而神
會則高歌以樂育又何必追賦於古人聊一笑而自娛
也

梅花引并序

梅品物引品詠不曰詠而曰引者豈非詠不足而引有
餘况梅雖品物之一而其妙殆非詠之足該此之所以

作也引乎其足梅之所不能隱乎

乾坤混混開橐籥上列星辰下河岳人文未著時尚朴
梅花胡事先天作驛路殊披在巖壑野橋率類乎村落
商家昂昂資材渥周詠聯翩喜晴合唐體宜稱曰該博
宋人未許紛然諾廣平賦就良靡惡林逋句後何雕琢
五行鍾秀寧撈摸試從元化叅充擴一枝蒼古多年朔
一枝青脆森芒角一枝皎皎韶冰削一枝隱隱驅神畧
一枝懸象如斗杓一枝序次如品爵一枝竒怪難窺度
一枝變幻難摸捉一枝相扣勝相躍一枝相縮勝相詭
一枝可愛誠超卓一枝可重皆沉着
一枝清楚堪陪酌

一枝奧妙堪和藥一枝裁剪新如斲一枝培養儼如昨
一枝意媚知誰約一枝貌悄知誰若一枝飄逸有餘綽
一枝剔透無強弱一枝如玉中含嚼一枝如畫中開拓
一枝癯瘦如飢涸一枝外畱中涵樂一枝笑把黃金賻
一枝潑刺穿雙鵲一枝其比葵和藿一枝如睡如驚覺
玉屏影罩珊瑚錯繡簾香透琉璃薄風烟淡掃寧蕭索
雪月高籠况貞確羅浮夢轉梨雲卻名勝遙看挂江閣
蠟采寧堪追綠萼華蕤焉有流丹壘擔頭羞共奚囊縛
策蹇還思連地縮嗟余無適亦無莫曾結茅茨向山郭
暗尋姑射謀鮮濯須臾玉臂渾瓔珞閑搜底蘊圖先著

起視杯盂尚糟粕因懷鐵硯從新鑿雪爾盈盈光並爍
操觚不管人驚愕滿空靈籟鏘韶護安得遺芳寄寥廓

泗水縣志卷之十五

終

泗水縣志卷之十六

箴銘贊附

自軒帝刻軒几以弼違大禹勒筍簎而招諫則銘所從
來久矣至始皇登會稽而勒銘其上則又兼褒讚之體
焉若夫箴以規戒贊以叙美雖其義各殊揔之其文必
簡其事必核斯得之余讀學古夜氣諸箴銘凜然若身
心之龜鑑然華袞于生前者既非溢美之辭即貞珉于
幽隧者亦非諛墓之語爰并志之以備采擇焉

勿齋箴

真德秀

天命之性得之者人人之有心其孰不仁人而不仁曰

為物役耳蕩於聲目眩於色以言則肆以動則輕人欲
放紛天理晦冥於焉有道禮以為準惟理是由非禮勿
狗曰禮伊何理之當然不雜以人一循乎天勿之為言
如防止水孰其尸之曰心而已聖言十六一字其機機
牙既斡鈞石必隨我乘我車駟馬交驟孰範其驅維轡
在手是以君子必正其心翼翼兢兢不顯亦臨萬夫之
屯一將之令霆鉤飈馳孰敢干命衆形役之統于心官
外止弗流內守愈安其道伊何所主者敬表裏相維動
靜俱正莠盡苗長醅化醴醇方寸盎然魚物不春惟勿
一言萬善自出念茲在茲其永無斃

思誠齋箴

誠者天道本乎自然誠之者人以人合天曰天與人其
本則一云胡差殊蓋累於物心為物誘性逐情移天理
之真其存幾希豈惟與天迥不相似形雖人斯實則物
只皇皇上帝命我以人我顧物之抑何弗仁維子思子
深憫斯世指其本源祛俗之蔽學問辨行統之以思擇
言固執惟日孜孜狂聖本同其忍自棄人十已千弗止
弗已雲披霧捲太虛湛然塵掃鏡空清光自全曰人與
天既判復合渾然一真諸妄弗作孟氏繼之命曰思誠
更兩鉅賢其精益求精大哉思乎作聖之本歸而求之實

近非遠

夜氣箴

子盍觀夫冬之為氣乎未歸其根蟄坯其封凝然寂然
不見兆朕而造化發育之妙實胚胎乎其中蓋闔者闢
之基正者元之本而艮所以為物之始終夫一晝一夜
者三百六旬之積故冬四時之夜而夜乃一日之冬天
壤之間群動俱聞窈乎如未判之鴻濛維人之身嚮晦
寔息亦當以造物而為宗必齋其心必肅其躬不敢弛
然自放於牀第之上使慢易非辟得以賊吾之衷雖終
一乾乾靡容一息之間斷而昏冥易忽之際尤當致戒

謹之功蓋安其身所以為朝夕晝訪之地而夜氣深厚
則仁義之心亦浩乎其不窮本既立矣而又致察於事
物周旋之頃敬義夾持動靜交養則人欲無隙之可入
天理皦乎其昭融然知及之而仁弗能守之亦空言其
奚容爰作箴以自砥常凜凜悚恫

學古齋銘

朱熹

浦城周侯嗣恭葺其先大父徽猷公所作學古齋以教
齊宗族子弟新安朱熹為題其榜周侯又來請銘則推
其意乃作銘曰

相古先民學以為己今也不然為人而已為己之學先

誠其身君臣之義父子之仁聚辨居行無怠無忽至足
之餘澤及萬物爲人之學燁然春華誦數是力纂組是
誇結駟懷金煌煌煒煒世俗之榮君子之鄙維是二者
其端則微眇綿弗察胡越其歸卓哉周侯克承先志日
新此齋以迪來裔此齋何有有圖有書厥裔斯何衣冠
望族夜思晝行咨詢謀度絕今不爲惟古是學先難後
獲匪亟匪徐我其銘之以警厥初

朱文公祠銘

胡緝

天地開泰河洛呈祥聖賢肇興振立綱常猗歟文公生
於有宋講學考亭四方崇重文章功業炳炳琅琅昭回

雲漢日月爭光斯文在茲吾道所寄繼往開來師表百
世浦城之邑山高水長公祠屹立悠久無疆

真直院德秀墓銘

魏了翁

南渡草創諸賢有存封之植之迓續貞元人物彬彬盛
於乾淳流風所漸孔曼其蕃誰蘊崇之欲薙其根天固
有定隲我斯文著乎人心寓乎師傳公出雖後考尋遺
言精探力踐旁探細論以淑同志以警群昏散在宇內
如衢置鐫最後一書細大畢陳上自帝王繼天牧人次
及聖賢明德新民而孜孜者正家明倫至公至誠貫徹
乾坤在昔老儒如物得春清明之會氣合而渾逮公之

出奮乎躋迤或搔而絕俄偃而信信不一二齋志九原
蹙蹙四方悠悠蒼天

徐少監鳳墓銘

真德秀

璠璵質兮溫良富追琢兮辭章指鼇扉兮信步發大冊
兮輝煌嗟文星兮早墜奄莫留兮明時之瑞黯茲土兮
埋光尚精熒兮寶氣

張處士添保墓銘

楊榮

建安人少傳
工部尚書

閩有南浦居建上游鍾靈毓秀山川相繆卓哉張氏厥
世有譜徙自建安曰惟信甫爰逮處士善行著稱匪裕
厥躬厥胤以興幸際明時決科秉憲推厥所由將汰

褒典祿養弗逮衆為咨嗟胡昇其福而齡弗遐高原盤
盤託以窵安處士之歲過者必式

越國夫人練氏像贊并序

宋濂

翰林取旨

天地之大德曰生夫生者乃天地之心雖陰陽之所運
行有闔闢慘舒之不齊然天地之心生生而弗息者恒
循環於無窮有如碩果不食則其生道已具其中俟時
發榮挺然而莫之遏矣然至五代用兵爭強屠戮逮乎
鷄犬是天下極亂之時蓋無復人道有能於其間不為
氣運之所遷變而一念之仁有以契夫生生不息之心
則其感召之速所以敷遺於後人者其澤曷有既哉閩

之練夫人諱窻建州刺史章公仔鈞之妻也生而肉髮
深沉而端毅終日或不一笑言且知識有絕人者時閩
王命公屯兵浦城之西巖南唐盧將軍帥師來侵我公
遣二校請師于州失期將斬之夫人勸曰時危民未靖
公柰何斬壯士公悟不問二校逸入南唐皆為大將一
則金陵邊鎬一則上元王建封也保大三年二月南唐
遣江南安撫使查文徽伐閩取建州鎬為行營招討建
封為先鋒橋道使奪其險要已而建封焚外郭八月甲
子克之公歿已久獨夫人猶存二校遣使者持金帛遺
夫人以一白旗授之曰吾且屠城夫人宜植旗于明

已戒士卒勿犯矣夫人返其金帛并旗弗受曰君幸思
舊德願全此城必欲屠之吾家與衆俱死耳不能獨生
也二校感其言遂止夫人之手一十五人孫六十八人
多躋顯仕而其後人繩繩相繼位宰執法從歷卿監佩
守令之章者殆百餘人嗚呼何其盛哉非夫人有以契
夫天地生生不息之心則其報施之厚未必若此之至
也原夫人之心渾廓昭融不限封域視一域之生聚不
啻如一家真有所謂仁者之量殃慶以類大易之旨也
夫人之後其有不蕃昌者乎其有不絢著者乎昧者不
知天之未定謂為善無足倚是則天之生生之道絕矣

夫豈可哉夫人二十世孫存道以遺像求余贊余既質諸傳記以序夫人之事而後為之贊曰

懿彼夫人生於七閩肉髮有倫靜毅而莊動循厥常女士之良笄而有歸建州之妻其德與齊建州桓桓旄旒緇緇以扼建關將固我城必集我兵移書以徵二校言旋何期之愆絕首以縣夫人曰吁乾坤創夷壯士勿誅逸之使奔遂為唐臣建旄而軍爭城以攻火旗晝紅陷其四封二校有云使鬼為人人之仁曷其報之曷藁我私曷授我旗旗植于家有突而譁我劔之加夫人曰於是城卒屠我生何為有衆若林昔而斧礮今而謳吟

夫人之亡其鬼已蔽其澤愈滂傳紫襲龜霧瀕雲瀾彼于今茲遺像儼然萬目斯瞻曷取則焉

楊學士億贊

范仲淹

公以命世之才其位不充故天下知公之文而未知公之道也昔王文正公居宰府僅二十年未嘗見愛惡之迹天下謂之大雅萊公當國真宗有澶淵之幸而能左右天子如山不動却夷狄保宗社天下謂之大忠樞密扶風馬公慷慨立朝有犯無隱天下謂之大直此三君子者一代之偉人也公與三君子深相交許情如金石則公之道其正可知矣

徐方伯音像贊

蕭福邑人兵部員外郎

其冠峩然其帶博若氣質清明丰姿灑落樂庭闈之具
慶究聖賢之正學入侍黃門忠謹蹇諤出鎮藩維雍容
恢廓彼斯人兮茂齡受

皇家之顯爵噫吾知其方寸之間光輝潔白虛靈昭灼真
所謂不驕不矜不愧不怍者耶

史侍御振贊

潘賜邑人少卿

東方黎冥萬籟皆寂趨朝正盛闈闈未闕公于斯時象
簡緋衣待漏于金門之下多冠博帶振璫于玉階之前
任繩愆糾繆之責進陳善閉邪之言有時承綸音而出

使乎鄰國有時宣德意而應對乎諸侯不辱君命正
帝心正擬攬轡奮澄清之志夫何解組遂勇退之情噫
若公之儔正謂今人中之正古人中之特傑也耶

張憲伯蒼石鵬像贊

龔道立毘陵人建州太守

蒼蒼者天其正色耶乃公立朝之色維石崑崙民具
爾瞻乃公提身之德舉朝變白為黑而公獨守白如
其蒼舉世利方為圓而公獨執方如其石豸繡闈然深
衣幅巾龐眉皓如豐頤廣額後南浦家聲續西山道脉
懿茲國之老成允振古之遺直憲府流芳豐宮血食
子不曰乎不磷不淄迺白迺堅維蒼維石

徐封納言惟賢像贊

葉向高

福清人太學士

此封納言霞谷徐公像也公孫孝廉長東夢公囑寫其像以乞贊意若屬余者其事甚奇余嘗壽公銘公矣茲感其意復題數言

余于公雖不識荆而嘗論次其生平蓋慷慨慕義足以稱節俠而質行可以通神明固宜壽考樂康享有鳴名賢子聞孫振振而繩繩沒而見夢靈爽猶徵於乎於此見哲人之儀刑

吳孝子昂贊

陳玄藻

莆田人

公行穆穆公貌于于孰為全父親吮其疽孰為全母

火其居沉疴以起烈燄斯息有叩必靈純孝罔極恪

克孝貽厥燕翼燕翼云何順理靡他心田是耨有獲實

多邁種發祥鳳麟世羨我_世耆德千秋仰止

張貳守爵像贊

金賁身

臨海人福建督學

性度和平風標直清如玉之潤如金之精制科雄俊儒林耆英竹符綰郡瀚海蜚聲為民保障_焉四干城召棠蔽芾謝蘭葱青載瞻遺像吁嗟先生

贛郡張貳守璫像贊

時任吉安李撰

陳茂烈

莆田人御史舉孝廉

有貌斯偉有心斯堅蚤年登第執笏朝天宣吾皇之威惠俾庶類以鮮妍嘉聲既馳於嶺表異政自徹於日邊

良天惟與賢陟之華要衆皆曰然惟公操履無
倫居盈惡滿慎終如前嗚呼縉紳方倚之以為重
其享壽之不延雖然死生晝夜若公也者固可與
久而並傳耶

吳貳守文贊贊

徐

邑人太僕
寺卿

矯矯先生握瑾懷珍佐州西蜀蔚有英聲苞苴屏迹
一寇湯平周徹民隱吏治蒸蒸日上有醜詭隨難容直道振
脫徒客與高蹈歸築別墅以酒徜徉植德好施譽藉
園把公遺像知公發祥出慶嫺節形云神全嗣人踴在
繩塾無疆

賞助脩城之役

吳文元水北人父許願造橋未興創而卒文元捐貲造

水北錦工等橋并九石渡浮橋且稱貸竣事蒙

道府縣俱行賞旌獎

徐呈邑之西閩人事親盡孝尤樂施予有泉士林春者

卒其家檢金無幾遂捐貲賻之仍令僕扶襯持金以

還享年八旬兩與賓席蒙

恩詔賜冠帶

卷之十六終

南文系

卷之十六

十

其天惟與賢陟之華要衆皆曰然惟公操履無
偏居盈惡滿慎終如前嗚呼縉紳方倚之以為重
其享壽之不延雖然死生晝夜若公也者固可與
久而並傳耶

吳貳守文贊贊

徐

邑人太僕
寺卿

矯矯先生握瑾懷珍佐州西蜀蔚有英聲苞苴屏迹
寇蕩平周徹民隱吏治蒸蒸有覲詭隨難容直道振
晚筵客與高蹈歸築別墅酒徜徉植德好施譽藉
園把公遺像知公發祥出慶嫫節形云神全嗣人踔在
繩塾無疆

賞助脩城之役

吳文元水北人父許願造橋未興創而卒文元捐貲造

水北錦工等橋并九石渡浮橋且稱貸竣事蒙

道府縣俱行賞旌獎

徐呈邑之西關人事親盡孝尤樂施予有泉士林春者

卒其家檢金無幾遂捐貲賻之仍令僕扶襯持金以

還享年八旬兩輿賓席蒙

恩詔賜冠帶

卷之十六終

